

North Sotho - Mathomong Moya Ntwa Rapele Mangwalo

- Beginning WP Scriptures

Ipolela Mangwalo - Confession Scriptures

Esera 9:7 Go tloga mehleng yela ya botatawešo go fihla la lehono re obile molato o mogolo. Gomme ge ren a le dikgoši tša ren a le baperisita ba ren a re gafetšwe diatleng tša dikgoši tša naga e šele, le lerumong, le kgolegong, le go hlakolweng, le nyatšegong e kakago yeno ya lehono, ke ka baka la masenyi a ren a.

Esera 9:13 Bjale ge re šetše re wetšwe ke tše kaakaa ka baka la mediro e mebe ya ren a, le ka baka la molato o mogolo wa ren a, mme wena Modimo wa ren a wa re hlomogelwa pelo, wa se ke wa re otla ka go ya ka makgopo a ren a, wa ba wa re hunolla ka mokgwa wo,

Nehemia 9:2 Ba e bego e le ba mohuta wa Isiraele ba ithaola go ba ditšhaba, ba ema ba bobola dibe tša bona le melato ya botatabo.

Dipsaleme 24:3,4 Thabeng ya Morena go tlo namela mang? Ke mang wa go tlo ema felo mo gokgethwa? 4 Ke wa diatla tše di se nago bosodi, wa pelotshekegi, wa pelo e sa dumego tša lefela, a sa enego maaka.

Dipsaleme 73:13 Hleng e ke ke lefela ge ke seketsa pelo ya ka, ge ke hlapa diatla ka go ila dibe?

Jesaya 59:2 Le arogana le Modimo wa lena ka masenyi a lena; se se širago sefahlego sagwe ke dibe tša lena, a se le kwe.

Jesaya 64:6 Ka moka ga ren a re bjalo ka wa tšhila; mme toko ya ren a e bjalo ka aparo se tšhilafetšego. Ka moka ga ren a re omile boka matlakala; mme bosenyi bja ren a bo re tšea boka phefo.

Jeremia 5:25 Makgopo a lena a le hlokišitše tše; tše di botse le ithibeletše tšona ka dibe tša lena.

Hosea 13:8 Ke tlo ba šwahlela bjalo ka sebata seamogwabana; ke tlo ba garolanya pelo sehubeng, ka ba ja boka tau; dibata tša naga di tlo ba tumukanya.

Daniele 9:8,9 E, go bjalo Morena! Se se re swanetšego, ren a le dikgoši tša ren a, le bagolo ba ren a le botatawešo, ke tšona difahlogo tše di llwego ke dihlong, ka gobane re go senyeditše. 9Fela, Modimo Mong a ren a ke yo kgaujelo le wa tebalelo, le ge re mo hlanogetše,

Mareka 9:24 Ya ba gona tatago ngwana a goeletšago, a bolela ka megokgo a re: Morena! Ke a dumela. Ntlhakodiše go se dumeleng.

Luka 11:2 Jesu a re: Ge le rapela le re: Tatawešo wa magodimong! Leina la gago a le kgethwe; mmušo wa gago a o tle; thato ya gago a e dirwe mono lefaseng bjalo ka ge e dirwa legodimong; (Mateo 6:10)

Johane 14:6 Jesu a re: Tsela ke nna, le therešo, le bophelo. Ga go e a tlago go Tate ge e se ka nna.

Johane 17:15 Ga ke kgopele gore o ba tloše lefaseng; ke ba kgopelela go phemelwa bobe.

Jakobo 4:8 Batamelang Modimo, le yena a le batamele. Hlapang diatla, lena Badiradibe! Hlapišang dipelo, lena ba pelopedi.

BaRoma 6:12-14 Bjale mebeleng ya lena ya go hwa, bobe bo se hlwe bo buša le iaolwa ke dikganyogo tša mmele. 13 Le gona le se ke la gafela ditho tša lena sebeng, ya ba marumo a bokgopo. Ineeleng Modimo, le le batsogalehung, le phela, ditho tša lena le di gafetše Modimo ya ba marumo a toko. 14 Gobane sebe se ka se le Iaole, ka ge Le se ba go bušwa ke Molao, le bušwa ke kgaujelo.

BaHebere 9:28 le Kriste o dirilwe sedimo gatee a ba wa go rwala dibe tša ba bantsi; gomme bao ba mo latetšego ba tlo buša ba mmona e le Mophološi, a se ne taba le sebe.

1 Johane 1:9 Ge re ipolela dibe tša rena, gona ka ge yena e le wa potego le toko, o re lebalela dibe a re hlatswa bokgopo ka moka.

Lebalela Mangwalo - Forgiveness Scriptures

Mateo 6:12-15 re lebalele melato ya rena bjalo ka ge re lebalela ba ba nago le melato go rena; 13 o se re iše molekong; gomme o re phološe bobeng; gobane mmušo ke wa gago, le maatla, le tumišo, ka go sa felego.

Amene. 14 Gobane ge le lebalela batho dikarogo tša bona, gona Tataweno wa magodimong, le lena o tlo le lebalela. 15 Fela, ge le sa lebalele batho dikarogo tša bona, Tataweno le lena a ka se le lebalele dikarogo tša lena.

Mateo 18:21,22 Ke mo Petro a batametšego a re: Morena, ngwanešo ge a ntshenyetša, ke tlo mo lebalela gakae? A nka mo lebalela gašupa? 22 Jesu a re: Nna ga ke re gašupa; a e be masome a šupago ge a balwa gašupa.

Mateo 18:35 Le Tate wa magodimong o tlo le dira ka mokgwa woo ge le sa lebalele, ge motho a sa lebalele ngwanabo ditšhito tša gagwe ka pelo.

Mareka 11:25,26 E re ge le eme le rapela, le rapele le lebaletše yoo a nago

le taba le lena, gore le Tataweno wa magodimong a le lebalele dikarogo tša lena. 26 Ge le sa lebalele, le Tataweno wa magodimong a ka se le lebalele dikarogo tša lena.

Luka 6:37 Le se ke la ahlol; ke mo le sa tlo go ahlolwa: le se ke la lahla motho; ke mo le sa tlo go lahlwa; lebaleleng gomme le tlo lebalelwa.

Luka 11:4 Re lebalele melato ya rena, gobane le rena re lebalela ba ba nago le melato go rena. O se re iše molekong; gomme o re phološe bobeng.

Luka 17:3,4 Ge ngwaneno a go senyetša, mo sole; gomme ge a sokologa o mo lebalele. 4 Le ge a ka go senyetša gašupa ka letšatši, mme a boela go wene gašupa, a re: Ke sokologile! O mo lebalele.

Luka 23:34 Gomme Jesu a bolela a re: Tata! Ba lebalele, gobane ga ba tsebe se ba se dirago! -- Gomme ba arolelana diaparo tša gagwe ka go dira matengwa.

Ditiro tša BaApostola 8:22 Itshole o lahle bobe bjoo bja gago; o rapele Modimo, gore mohlomongwe o lebalelwe bomenetša bjoo bja pelo ya gago.

BaRoma 4:7 Wa lehlogenolo ke molebalelwadikarogo, yo dibe tša gagwe di khupeditšwego,

BaEfeso 1:7 yo re bonego ka yena topollo ka madi a gagwe, yona tebalelo ya dikarogo ka lehumo la kgaugelo ya gagwe,

BaEfeso 4:32 Sa lena a e be go dirana ka botho le ka bonolo, le go gaguelana bjalo ka ge Modimo le yena a le gaugetše ka Kriste.

BaKolose 1:14 yo re hweditšego topollo ka yena ka madi a gagwe, e lego go lebalelwa dibe.

BaKolose 2:13-15 Gomme lena ba le bego le hwetše dibeng, le go se bolleng ga mebele ya lena, o le phedišitše le yena ka go le lebalela dibe ka moka. 14 A phumola lengwalo le le re begago ka Molao, a le tloša mo le bego le thibile tsela, a le kokotela sefapanong. 15 Mme mmušo woo a o amoga marumo, a fediša maatla ao pepeneneng a goroga a fentše.

1 Johane 1:9 Ge re ipolela dibe tša rena, gona ka ge yena e le wa potego le toko, o re lebalela dibe a re hlatswa bokgopo ka moka.

1 Johane 2:12 Ke ngwalela lena bana, gobane le lebaletšwe dibe ka baka la leina la gagwe.